

黃芩

黃連

梔子

鬱金

大黃

右水煎加童便和服 大便利者去大黃

喘欬若出血過多面黑胸脹或胸膈痛而發喘者乃
氣虛血乘於肺也急用二味參蘇飲若欬血衄血者
乃氣逆血蘊於肺也急用十味參蘇飲加山梔芩連
蘇木 舉人杜克宏墜馬服下血藥反作喘日晡益
甚此血虛所致耳非瘀血爲患遂以四物加參芪五
味麥門治之其喘頓止又用補中益氣加五味麥門
而愈此證果係瘀血蒸熏於肺而喘只宜活血行血

亦不可下若面黑胸脹或膈痛作喘當用人參壹兩
蘇木貳兩作一劑水煎急服緩則不治產婦多有此
疾

二味參蘇飲 治出血過多瘀血入肺面黑喘促

人參 壹兩

蘇木 貳兩

右水煎服

十味參蘇飲 治氣逆血蘊上焦發熱氣促或欬血

衄血或痰嗽不止加黃芩山梔卽加味參蘇飲

人參

紫蘇

半夏

茯苓

陳皮

桔梗

前胡

葛根

枳殼

各壹錢

炙甘草

伍分

右薑水煎服

作渴若因出血過多用四物參朮如不應用人參黃芪以補氣當歸熟地以養血若因潰後用八珍湯若胃熱傷津液用竹葉黃芪湯胃虛津液不足用補中益氣湯胃火熾盛竹葉石膏湯若煩熱作渴小便淋瀝乃腎經虛熱非地黃丸不能救 有一患者瘀血雖去飲食形氣如故但熱渴熅痛膈痞有痰以小柴胡湯加天花粉貝母桔梗山梔二劑少愈又加生地

歸尾黃芩柴胡山梔花粉而愈薛治百餘人其杖後血氣不虛者惟此一人耳

大便秘結若大腸血虛火熾者用四物湯送潤腸丸或以豬膽汁導之若腎虛火燥者用六味地黃丸腸胃氣虛用補中益氣湯

手足傷損若元氣虛弱或不戒房勞或妄行攻伐致死肉上延或腐而不痛黑而不脫者當大補元氣庶可保生若手足節髀斷去者無妨骨斷筋連不急剪去若侵及好肉則不治若預爲調補脾氣則無此患大凡膿瘀內歟者卽針之而投託裏散或口噤遺尿

而似破傷風者急用十全大補湯加附子多有生者
手足疼痛有一患者愈後腿作痛薛意膿血過多瘡
雖愈肝經血氣尚未充實而濕熱乘虛也遂以八珍
加牛膝木瓜蒼朮黃檗防己炙草以祛濕熱養陰血
痛漸止乃去防己黃檗服之遂瘳

應痛丸 治折傷後爲四氣所侵手足疼者

破故紙

骨碎補

去毛

蒼朮

生用

草烏

各半斤

穿山甲

去膜桑柴灰炒泡起爲度柴灰亦可

舶上茴香

炒各陸兩

右除草烏半斤用生薑壹斤搗爛同草烏一處淹

兩宿焙乾爲末酒煮麴糊爲丸如梧桐子大每服五十丸用酒或米湯送下忌熱物片時

乳香散 治打傷損手足疼痛不可忍者

乳香

沒藥

各另研
參錢

白芷

貳錢

肉桂

伍錢

白朮

當歸

各炒

粉草

各伍
錢

右爲細末研勻每服貳錢不拘時酒調下

破傷風河間云風證善行數變入臟甚速死生在反掌之間宜急分表裏虛實而治之邪在表者則筋脉拘急時或寒熱筋惕搐搦脉浮弦用羌活防風湯散

之在半表半裏者則頭微汗身無汗用羌活湯和之傳入裏者舌強口噤項背反張筋惕搐搦痰涎壅盛胸腹滿悶便溺閉赤時或汗出脉洪數而弦以大芎黃湯導之既下而汗仍出表虛也以白朮防風湯補之不時灌以粥飲爲善前云乃氣虛未損之法也若膿血太泄陽隨陰散氣血俱虛而類前證者悉宜大補脾胃切忌祛風之藥 詳見雜病第五 有一患者仲夏誤傷手腰背反張牙關緊急脉浮而散此表證也遂用羌活防風湯一劑卽解此證若在秋冬腠理緻密之時須用麻黃之類以發汗此乃暴傷氣血

不損之治法也 有一患者杖處畧破而患此脉洪大而實此裏證也用大芎黃湯一劑大便微行一次悉退若投表藥必死宜急分表裏虛實而治之庶無誤矣 有一患者寒熱口乾用四物參芪白朮輒柴炒芩麥門五味四劑少退薛欲砭去瘀血不從後怔忡不寐飲食少思牙關牽緊頭目疼痛惡寒發熱此膿內炊也遂砭去之卽安以八珍棗仁麥門五味二十劑前證漸愈又用前藥及獨參湯瘀肉漸潰後因勞又少寐盜汗以歸脾湯麥門五味遠志而痊後牙關脹悶面目炊赤又似破傷風仍以爲虛用八珍等

藥亦安 有一患者腹痛喘促作渴寒熱臀腿糜爛
與死血相和如皮囊盛糊用童便煎四物桃仁紅花
柴胡黃芩麥門花粉服之頓退彼用黑羊皮貼之益
甚後砭去膿血甚多氣息奄奄脣口微動牙關緊急
患處色黯或欲用破傷風藥薛曰此氣血虛而變證
也用參芪芍歸白朮并獨參湯人乳汁元氣復而諸
證愈乃用十全大補湯調理而安此證若膿瘀內燬
者宜針之若潰後口噤遺尿而類破傷風等證者乃
氣血虛極也急用大補之劑若素多痰患風證者宜
清痰降火若因怒而見風證者宜清肝降火若人不

慎房勞而忽患前證此由腎水不足心火熾甚宜滋陰補氣血爲主若誤作風證治之卽死

羌活防風湯 治破傷風邪初在表者急服此藥以解之稍遲則邪入於裏與藥不相合矣

羌活

防風

甘草

川芎

藁本

當歸

芍藥

各肆兩

地榆

細辛

各貳兩

右每服伍錢水煎

防風湯 治破傷風表證未傳入裏急宜服

防風

羌活

獨活

川芎

各等分

右每服伍錢水煎調蜈蚣散服大効

蜈蚣散

蜈蚣

壹對

鰾

叁錢

右爲細末用防風湯調下

羌活湯

治破傷風在半表半裏急服此湯稍緩邪

入於裏不宜用

羌活

菊花

麻黃

川芎

石膏

防風

前胡

黃芩

細辛

甘草

枳殼

白茯苓

蔓荊子

各壹兩

薄荷

白芷

各伍錢

右每服伍錢水煎

地榆防風散

治風在半表裏頭微汗身無汗不可

發汗兼治表裏

地榆

防風

地丁草

馬齒莧

各等分

右爲細末每服叁錢米湯調服

大芎黃湯

治風在裏宜疎導急服此湯

川芎

羌活

黃芩

大黃各壹兩

右伍柒錢水煎溫服臟腑通和爲度

白朮防風湯 治服表藥過多自汗者

白朮

黃芪各壹兩

防風貳兩

右每服伍柒錢水煎服臟腑和而自汗者可服若
臟腑秘小便赤者宜用大芎黃湯下之

白朮湯 治破傷風汗不止筋攣搐搦

白朮

葛根

升麻

黃芩

芍藥各貳兩

甘草貳錢伍分

右每服伍錢水煎無時服

謙甫硃砂丸

治破傷風目瞪口呆不語手足搐搦

項筋強直不能轉側目不識人

硃砂

研

半夏

洗

川烏

各壹兩

雄黃

伍錢

鳳凰臺

叁錢

麝香

壹字

右爲末棗肉丸桐子大每服壹丸或貳丸冷水下以吐爲度如不吐加壹丸或吐不住煎葱白湯止之汗出爲効

左龍丸

治直視在裏者

左盤龍

野鴿糞也

白僵蠶

鰮

各炒伍錢

雄黃

壹錢

右爲未燒飯丸桐子大每服拾伍丸溫酒下如裏證不已當用前藥末一半加巴豆霜半錢燒飯丸桐子大每服加入壹丸如此漸加以利爲度利後服和解藥

江鰮丸 治破傷風傳入裏證驚而發搐臟腑秘澀

江鰮 剉炒

野鴿糞 炒

白殭蠶 各半兩

雄黃 壹錢

蜈蚣 壹對

天麻 壹兩

右爲末作叁分貳分燒飯丸桐子大硃砂爲衣壹分八巴豆霜壹錢亦用燒飯丸每服硃砂者貳拾丸八巴豆者壹丸漸加至利爲度後止服前丸

養血當歸地黃散

當歸

地黃

芍藥

川芎

藁本

防風

白芷

各壹兩

細辛

伍錢

右依前煎服

廣利方 治破傷風發熱

括蒬子

玖錢

滑石

叁錢半

南星

蒼朮

赤芍藥

陳皮

炒檳

黃連

黃芩

白芷

甘草

各伍分